



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 41. Prima sententia in Cosciam Cardinalem pronuntiata.

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

Sæc. XVIII.
A. C. 1731.

die octava ejusdem Mensis specialem præstituit Congregationem, quæ nunc *de causa nota*, jam *super nonnullis* vocabatur: Constiterat illa sex Cardinalibus, Ludovico Pico, Renato imperiali, Petro Corradinio, Leandro Porzia, Antonio Banchiero, & Nereo Corsinio, Viris integerrimis, ac boni & æqui studiosissimis. His Pontifex a secretis esse voluit Dominicum Cæsarem Fiorellium Cameræ Apostolicæ Auditorem. Porro speciali decreto hisce Cardinalibus plenam dedit potestatem & mandatum, ut quoscunque turpis questus, injustitiæ aliorumque criminum sub defuncti Pontificis regimine perpetratorum reos vel ipsimet deprehenderint, vel per accusationes & testium depositiones coram quolibet tribunali Sacro vel profano delatos noverint, in jus vocarent, & pro merito culpæ castigarent. Promulgato hoc decreto non pauci, quos mens male libi conscia redarguerat, clam Urbe excesserunt, quos inter primus fuisset Coscia, nisi fugam excubitorum vigilantia præpediisset.

§. XLI.

Prima sententia in Cosciam Cardinalem pronuntiata.

Habi-

Sæc. XVIII.
A. C. 1731.

Habitis pluribus Patrum conventibus tam per testes, quam per propria Cosciæ literas abunde comprobatur erat, eundem Cardinalem datis & receptis pecuniis contra S. Canones & Pontificias Constitutiones pro arbitrio suo de Sacerdotiis disposuisse, pluraque alia sat aperta commisisse crimina, hinc communi omnium suffragio decretum, ut quadraginta aureorum milia in pios usus, & reparanda læsorum damna juxta Constitutiones Gregor. XIII. Alexandri VII. & Innocentii XII. exsolveret, Archiepiscopatum Beneventanum dimitteret, & demum S. Inquisitionis Congregatione, cui præsertim sese abdicaret. Hanc sententiam etiam quidem habuit Pontifex, intelligentia tamen & provida cautela utendum ratus, quemdam Nobilem Virum ablegabat, qui Cosciam ad spontaneam Archiepiscopatus dimissionem inducere satageret: At Cardinalis ad hoc consilium surdus, quod sponte recusaverat, coacte demum exequi compulsus est; die enim vigesima tertia Decembris ad omnes Ecclesiarum portas, & bisque compita affixum legebatur decretum hoc tenore: *Cum tam Sanctissimus Cardinalis Cosciam Beneventano Archiepiscopatu haud amplius cum decore & populi*

ædificatione præesse posse, proin omnino Sæc. XVIII.
necessarium sit, ut illum absolute & sine A. C. 1731.
omni conditione in manibus Sanctitatis suæ
abdicas, hinc summus Pontifex, auditis
S. Congregationis & Ministrorum suffragiis
præcipit & mandat, ut statim præfatum
Archiepiscopatum dimittas, secus summam
Pontificis indignationem, & Canonicam
depositionem incururus &c. Datum in
Palatio Quirinali die 19. Dec. 1730.

ANTONIUS CARDINALIS
 BANCHIERIUS.

Hoc decreto perculsus Coscia, Ad-
 vocatum sibi dari petiit, quocum ali-
 quamdiu collocutus, libellum suppli-
 cem ad Congregationem transmisit,
 sibi temporis inducias ad sui defensio-
 nem postulans: hoc autem libello a
 Patribus repudiato, se suo quidem ab-
 dicavit Archiepiscopatu, mox tamen
 Romæ scriptum vulgavit, in quo se
 hac Ecclesia injuste spoliari querebatur,
 eoquod pro illius fabrica octoginta au-
 reorum millia expendisset: Verum
 hujus effugii nec Romæ nec Beneventi
 ulla habebatur ratio, sed potius die
 duodecima Maij subrogato in Archi-
 episcopum Sinibaldo Doria Beneven-
 tani per integrum triduum festivos
 accendebant ignes.

§. XLII.